

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za strateško planiranje, upravljanje projektima,
komunalne djelatnosti, vode i zaštitu okoliša

Broj: 04/2-21-8 /23

Bihać, 03.03.2023. godine

Na osnovu člana 52. tačka b) Statuta Grada Bihaća (“Službeni glasnik Grada Bihaća”, broj: 13/15 i 13/18) i člana 183. stav (2) Poslovnika Gradskog vijeća (“Službeni glasnik Grada Bihaća”, broj: 3/16, 4/20), Gradonačelnik u svojstvu predlagača propisa i drugih akata:

O d r e đ u j e

Izvjestioca: Vildana Zulić, pomoćnika gradonačelnika za strateško planiranje, upravljanje projektima, komunalne djelatnosti, vode i zaštitu okoliša, na sjednici Gradskog vijeća i radnim tijelima po prijedlogu tačke dnevnog reda:

Prijedlog Zaključka o usvajanju Izvještaja o implementaciji Ugovora o pružanju javnih vodnih usluga na području Grada Bihaća za 2022. godinu.

Gradonačelnik
Elvedin Sedić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za strateško planiranje, upravljanje projektima,
komunalne djelatnosti, vode i zaštitu okoliša

Broj: 04/2-21-8/23

Bihać, 03.03.2023. godine

Gradsko vijeće Bihać

-ovdje-

PREDMET: Prijedlog Zaključka o usvajanju Izvještaja o implementaciji Ugovora o pružanju javnih vodnih usluga na području Grada Bihaća za 2022. godinu

Na osnovu člana 52. stav (1) tačka b) Statuta Grada Bihaća ("Službeni glasnik Grada Bihaća" broj: 13/15, 13/18), Gradskom vijeću dostavlja se Prijedlog Zaključka o usvajanju Izvještaja o implementaciji Ugovora o pružanju javnih vodnih usluga na području Grada Bihaća za 2022. godinu, na daljnje razmatranje i usvajanje:

Pravni osnov za donošenje:

Pravni osnov za donošenje Prijedloga Zaključka o usvajanju Izvještaja o implementaciji Ugovora o pružanju javnih vodnih usluga na području Grada Bihaća za 2022. godinu, sadržan je u:

- članu 35. stav (1) tačka c) Statuta Grada Bihaća ("Službeni glasnik Grada Bihaća" br. 13/15, 13/18) kojim je utvrđeno da Gradsko vijeće u okviru samoupravnog djelokruga donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

Razlozi za donošenje:

Potpisivanjem Pisma namjere 31.01.2017. godine Grad Bihać je započeo implementaciju Projekta MEG - Projekat općinskog i ekonomskog upravljanja, kojeg financira Vlada Švicarske, a implementira ga Razvojni program Ujedinjenih nacija (UNDP).

Kao jedna od aktivnosti u navedenom procesu bila je i zaključenje Ugovora o pružanju javnih vodnih usluga na području Grada Bihaća, gdje je Gradsko vijeće Bihać dana 04.05.2017. godine donijelo Zaključak br. GV-05-3351 kojim je data saglasnost gradonačelniku Grada Bihaća da zaključi Ugovor o pružanju javnih vodnih usluga na području Grada Bihaća sa JP „Vodovod“ d.o.o. Bihać. Shodno tome, navedeni Ugovor potpisan je dana 19.07.2017. godine.

Navedeni ugovor definiše donošenje tarifne metodologije za izračun cijene vodnih usluga, program subvencioniranja socijalno ugroženih kategorija stanovništva, registar stalnih sredstava i uspostavljanje i korištenje fonda za održavanje stalnih sredstava, naplatu dospjelih, a nenaplaćenih potraživanja od strane pravnih lica u vlasništvu grada Bihaća ili pravnih lica koja se finansiraju iz budžeta grada Bihaća. Navedena pitanja su također, osim kroz odredbe ugovora, definisana i u pripadajućim dodacima ugovora.

Shodno utvrđenom Ugovoru i metodologiji, Grad Bihać u saradnji sa JP "Vodovod" d.o.o. Bihać također ima obavezu implementacije navedenog Ugovora, te obavezu izrade godišnjih izvještaja o implementaciji istog.

Slijedom toga, u izvještaju za 2022. godinu prikazane su aktivnosti koje su u tom periodu provedene od strane Grada Bihaća i JP "Vodovod" d.o.o. Bihać, te navedeno koje su aktivnosti trebale biti provedene, a nisu, te razlozi njihovog neprovođenja.

Financijska sredstva:

Za usvajanje navedenog prijedloga nije potrebno obezbjediti finansijska sredstva.

Također, u skladu sa članom 8. Zakona o budžetima Federaciji BiH, odnosno članom 13. stav (2) Odluke o izvršavanju Budžeta Grada Bihaća za 2023. godinu zatraženo je mišljenje Službe za finansije, privredu i poljoprivredu vezano za izjavu o fiskalnoj procjeni posljedica na budžet. Aktom br. 05/1-11-sl obaviješteni smo da u skladu sa članom 8. Zakona o budžetima Federacije BiH ne daju mišljenje na Zaključke.

Radi gore navedenog, predlaže se Gradskom vijeću da u okviru svojih nadležnosti usvoji Prijedlog Zaključka o usvajanju Izvještaja o implementaciji Ugovora o pružanju javnih vodnih usluga na području Grada Bihaća za 2022. godinu.

Gradonačelnik
Elvedin Sedić

Prilog:

- Izvještaj o implementaciji Ugovora o pružanju javnih vodnih usluga na području Grada Bihaća za 2022. godinu,
- Zaključak o usvajanju Izvještaja o implementaciji Ugovora o pružanju javnih vodnih usluga na području Grada Bihaća za 2022. godinu.

Na osnovu člana 35. tačka c) Statuta Grada Bihaća ("Službeni glasnik Grada Bihaća" br. 13/15, 13/18 i člana 132. stav (1) tačka a) Poslovnika Gradskog vijeća Bihać ("Službeni glasnik Grada Bihaća" broj: 3/16, 4/20), Gradsko vijeće Bihać, na _____ sjednici održanoj dana _____2023. godine, donijelo je:

Z A K L J U Č A K

I

Usvaja se Izvještaj o implementaciji Ugovora o pružanju javnih vodnih usluga na području Grada Bihaća za 2022.godinu, broj: 01-25-5133/17 od 19.07.2017. godine.

II

Ovaj Zaključak stupa na snagu osmog dana po objavljivanju u „Službenom glasniku Grada Bihaća“.

Broj: _____
Bihać, _____2023. godine

Predsjedavajući Gradskog vijeća
Zulfikar Handukić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK



IZVJEŠTAJ
O IMPLEMENTACIJI UGOVORA O PRUŽANJU JAVNIH VODNIH USLUGA NA
PODRUČJU GRADA BIHAĆA ZA 2022. GODINU

Bihać, mart 2023. godine

I UVOD

Potpisivanjem Pisma namjere 31.01.2017. godine Grad Bihać je zvanično započeo implementaciju Projekta MEG - Projekat općinskog, okolišnog i ekonomskog upavljanja, kojeg financira Vlada Švicarske, a implementira ga Razvojni program Ujedinjenih nacija (UNDP).

Uključenjem u Projekat općinskog, okolišnog i ekonomskog upavljanja (MEG), Grad Bihać je izrazio spremnost da prihvati, između ostalih procesa, i podršku lokalnim vlastima da kroz institucionalizirana partnerstva s njihovim komunalnim preduzećima i uz nadzor Gradskog vijeća i građana osigura održivo pružanje usluga, sa naglaskom na sektor voda.

Kao jedna od aktivnosti u navedenom procesu bila je i zaključenje Ugovora o pružanju javnih vodnih usluga na području Grada Bihaća.

S tim u vezi Grad Bihać i JP „Vodovod“ d.o.o. Bihać, 19.07.2017. godine potpisali su Ugovor o pružanju javnih vodnih usluga na području Grada Bihaća, broj: 01-25-5133/17. Saglasnost za zaključenje predmetnog Ugovora dalo je Gradsko vijeće Bihać na svojoj 9. sjednici, održanoj dana 04.05.2017. godine.

Ugovor je zaključen sa svrhom osiguranja uslova za pružanje i razvoj javnih vodnih usluga vodosnabdijevanja, odvodnje i prečišćavanja otpadnih voda, kao i ostvarivanje javnog interesa u tim djelatnostima, što podrazumijeva zadovoljavanje onih potreba društva koje su nezamjenjiv uslov života i rada građana, državnih organa, privrednih i drugih subjekata na području grada. Ugovor obuhvata cjelokupnu zakonsku regulativu na objedinjen način u svrhu uspostavljanja i unaprijeđenja cjelovitog sistema javnih vodnih usluga koji prema svom kapacitetu, kvalitetu i funkcionalnosti u potpunosti zadovoljava potrebe korisnika vodnih usluga na području grada Bihaća. Sastavni dijelovi Ugovora su i njegovi prilozi:

- Popis odabranih ključnih pokazatelja uspješnosti JP „Vodovod“ d.o.o. Bihać,
- Program subvencioniranja dijela troškova komunalnih vodnih usluga za socijalno ugrožene kategorije stanovništva,
- Metodologija za određivanje cijena vodnih usluga,
- Odluka o mjerama naplate dospjelih nenaplaćenih potraživanja (Odluka o izmirenju potraživanja),
- Odluka o korištenju sredstava amortizacije.

II CILJ IZVJEŠTAJA

Cilj izrade Izvještaja o implementaciji Ugovora o pružanju javnih vodnih usluga na području Grada Bihaća jeste upoznavanje i informisanje Gradskog vijeća o implementiranim aktivnostima i obavezama koje su u izvještajnom periodu sproveli Grad Bihać i JP „Vodovod“ d.o.o. Bihać, kao i naredne planirane aktivnosti u skladu sa ugovornim obavezama.

III SADRŽAJ UGOVORA

1) Pregled ispunjenja ugovornih obaveza Grada Bihaća:

- a) U skladu sa članom 46. Ugovora doneseno je Rješenje broj: 01-25-5133-1 od 22.05.2019. godine kojim je formirana Komisija za praćenje realizacije Ugovora o pružanju javnih vodnih usluga na području Grada Bihaća, te donesen Poslovnik o radu navedene Komisije.
- b) U skladu sa članom 28. Ugovora donesen je Program subvencioniranja socijalno ugroženih kategorija stanovništva koji se već četiri godine implementira na zadovoljstvo socijalno ugroženih kategorija.
- c) Postojeća organizaciona struktura i sistematizacija radnih mjesta u Gradskom organu uprave Grada Bihaća utvrđena je Pravilnikom o unutrašnjoj organizaciji. Ističemo da je Pravilnikom iz 2010. godine organizirana Služba za komunalne djelatnosti, vode i zaštitu okoliša koja je sa značajnim izmjenama i dopunama, također i novim Pravilnikom i proširena na način da je formiran Odsjek za vode i zaštitu okoliša. Služba za strateško planiranje, upravljanje projektima, komunalne djelatnosti, vode i zaštitu okoliša provodi poslove i zadatke iz oblasti komunalnih djelatnosti gdje trenutna organizacija i sistematizacija radnih mjesta u dovoljnoj mjeri odgovara svim obavezama koje jedinstveni gradski organ uprave Grada Bihaća ima u pogledu pružanja komunalnih vodnih usluga u skladu sa Zakonom o principima lokalne samouprave FBiH i Zakonom o komunalnim djelatnostima USK-a, ali ne odgovara stvarnim potrebama u broju izvršilaca jer je u ovom Odsjeku uposlena samo jedna osoba.
- d) Služba za strateško planiranje, upravljanje projektima, komunalne djelatnosti, vode i zaštitu okoliša kod opisa radnih mjesta ima pobrojane opće dužnosti tog radnog mjesta, između ostalih, i vršenje upravnog i stručnog nadzora i praćenje rada JP „Vodovod“ d.o.o. Bihać, kao davaoca usluge vodosnabdijevanja, odvodnje i prečišćavanja otpadnih voda, te praćenje obaveza proisteklih iz ugovora o pružanju javnih vodnih usluga.
- e) U skladu sa članom 18. i 36. Ugovora imenovana je Komisija za popis i identifikaciju neuknjiženih stalnih sredstava kojima upravlja JP „Vodovod“ d.o.o. Bihać, obzirom da su Ugovorom utvrđene aktivnosti popisa i identifikacije neuknjiženih stalnih sredstava kojima upravlja JP „Vodovod“ d.o.o. Bihać. U skladu s tim Komisija je sačinila Izvještaj o popisanim stalnim sredstvima komunalne vodne infrastrukture (predmet popisa i identifikacije neuknjiženih stalnih sredstava je Postrojenje za prečišćavanje otpadnih voda - PPOV, obzirom da ista nije uknjižena, a posjeduje svu potrebnu dokumentaciju). Za potrebe utvrđivanja vrijednosti gore popisane imovine tokom 2022. godine angažiran je sudski vještak koji treba da sačini pismeni nalaz kod finansijskog vještačenja stalnih sredstava PPOV-a. Nakon toga Služba će zatražiti mišljenje pravobranioca kod provedbe navedene aktivnosti u dijelu povjeravanja na upravljanje i održavanje bez naknade stalnih sredstava JP "Vodovod" d.o.o. Bihać. U

skladu sa dostavljenim mišljenjem nastaviće se daljnje aktivnosti kod pripreme odluke o povjeravanju na upravljanje i održavanje navedenih stalnih sredstava JP "Vodovod" d.o.o. Bihać.

2) *Pregled ispunjenja ugovornih obaveza JP „Vodovod“ d.o.o. Bihać:*

- a) U skladu sa članom 20. Ugovora u izvještajnom periodu JP „Vodovod“ d.o.o. Bihać vrši kontinuiranu isporuku vode za piće, odvodnju i prečišćavanje otpadnih voda, sa odgovarajućom kvalitetom i u odgovarajućoj količini sa napomenom da u periodima intenzivnih padavina dolazi do povećanja mutnoće vode na kraškim izvorima Klokot, Privilica, Žegar, Ostrovica i Toplica, te pogoršanja mikrobioloških parametara. JP „Vodovod“ d.o.o. Bihać u tim slučajevima svojim građanima preporučuje prokuhavanje vode. Preduzeće nema uspostavljenju vlastitu laboratoriju za redovnu kontrolu kvaliteta vode za piće, već istu obavlja putem JU „Zavod za javno zdravstvo USK“ dva puta mjesečno (sa svih izvorišta), dok za izvorište Klokot uzorkovanje kvalitete vode za piće vrši četiri puta mjesečno.
- b) Sve aktivnosti provodi u skladu sa zakonskim propisima, principima i standardima, gradskim odlukama i međunarodnim standardima.
- c) Godišnji izvještaji o radu i poslovanju redovno se dostavljaju Gradskom vijeću Bihać na razmatranje i usvajanje.
- d) Osigurava se redovno tekuće održavanje objekata vodosnabdijevanja i odvodnje otpadnih voda, te se osiguravaju mjere zaštite na istim objektima, te mjere zaštite okoliša.
- e) Kontinuirano radi na smanjenju gubitaka vode.
- f) U preduzeću je formirana Služba za odnose sa korisnicima usluga.
- g) Ustrojena je evidencija korisnika usluge vodosnabdijevanja, te sa korisnicima potpisani ugovori o pružanju usluga.
- h) Vršiti se mjesečni obračun i fakturiranje usluga korisnicima.

3) *Implementacija Programa subvencioniranja socijalno ugroženih kategorija stanovništva i saradnja sa JU Centar za socijalni rad Bihać:*

Gradsko vijeće Bihać je na svojoj 21. sjednici donijelo Odluku o subvencioniranju dijela troškova komunalnih usluga vodosnabdijevanja, odvodnje i prečišćavanja otpadnih voda („Službeni glasnik Grada Bihaća“, broj: 2/22). Na taj način su ispunjeni preduslovi za provođenje politike subvencioniranja socijalno ugroženih korisnika vodnih usluga (vodosnabdijevanja i odvodnje i prečišćavanja otpadnih voda) definirani navedenim Ugovorom i pripadajućim Programom subvencioniranja. Odlukom o subvencioniranju definisano je koja lica ostvaruju pravo na subvenciju, opći uslovi i potrebna dokumentacija za ostvarivanje subvencije, maksimalna mjesečna količina isporučene pitke vode i količine otpadnih voda po članu domaćinstva korisnika komunalne usluge koja se subvencionira, maksimalna mjesečna količina isporučene pitke vode i količine otpadnih voda po članu

domaćinstva korisnika komunalne usluge ne može preći 3m³. Obveznik plaćanja subvencije je Grad Bihać, a sredstva za realizaciju ove Odluke se obezbjeđuju u Budžetu Grada Bihaća. Postupak za ostvarivanje prava na subvencioniranje provodi JU „Centar za socijalni rad“ Bihać. Stupanjem na snagu navedene Odluke započeli su postupci utvrđivanja kategorija korisnika subvencija troškova komunalnih vodnih usluga. Broj korisnika usluga koji su uvedeni u pravo ostvarivanja subvencije je 73 korisnika u 2022. godini.

U 2022. godini u budžetu Grada Bihaća planirano je 15.000,00 KM za subvencioniranje komunalnih vodnih usluga socijalno ugroženih kategorija stanovništva, dok je u toku 2022. godine ukupno utrošeno 8.733,32 KM.

4) *Primjena Metodologije za izračun cijena usluge, uključujući izračun cijena vodnih usluga i njihovu prezentaciju Gradskom vijeću:*

Gradsko vijeće Bihać je na 57. sjednici održanoj dana 03.09.2020. godine donijelo Zaključak kojim je data saglasnost Gradonačelniku Grada Bihaća da zaključi Aneks I Ugovora o pružanju javnih vodnih usluga na području grada Bihaća, broj: 01-25-5133/17 od 19.07.2017. godine sa novim Prilogom I - Prijedlog metodologije za određivanje cijene vodosnabdijevanja, odvodnje i prečišćavanje otpadnih voda („Službeni glasnik Grada Bihaća“, broj 10/20).

5) *Ključni indikatori učinka JP „Vodovod“ d.o.o. Bihać za posljednje tri godine:¹*

| Ključni pokazatelji | Mjera | Formula za izračun | Ciljna vrijednost za kraj godine | | |
|--|-------|--|----------------------------------|--------------------------|--------|
| | | | 2020 | 2021 | 2022 |
| Pokrivenost populacije uslugom vodosnabdijevanja | % | = broj korisnika usluge vodosnabdijevanja/ ukupan broj stanovnika | 98% | 98% | 98% |
| Pokrivenost populacije uslugom kanalizacije | % | = broj korisnika usluge kanalizacije/ukupan broj stanovnika | 44% | 44% | 46% |
| Neprihodovana voda | % | = (zahvaćena voda m ³) –fakturirana voda (m ³)/ zahvaćena voda (m ³) | 47,57% | 50,44% (sa 31.10. 2021.) | 52,98% |

¹ Za 2020. i 2021. godinu podaci su urađeni po metodologiji koja je u međuvremenu korigirana sa svrhom da bi isti bili usporedivi u narednom periodu. Isto tako podaci su se unosili sa 30.11.tekuće godine, dok su podaci za 2022.godinu zaključno sa 31.12.2022.

| | | | | | |
|--|------|---|--------|--------------------------|--------|
| Prosječan period naplate- voda i kanalizacija | dana | = ukupna potraživanja na kraju godine (KM)/ ukupni godišnji prihod (KM) *365 | 152 | 221 | 142 |
| Procenat naplate | % | = ukupno naplaćena potraživanja/ukupno fakturisana potraživanja | 64,00% | 69,36% (sa 30.11. 2021.) | 79,41% |
| Produktivnost zaposlenika | % | = troškovi zaposlenika/ ukupni operativni troškovi | 2,08% | 2,08% | 2,08% |
| Udio troškova zaposlenika u operativnim troškovima | % | = troškovi zaposlenika/ ukupni operativni troškovi | 68% | 65% | 64% |
| Udio troškova električne energije u operativnim troškovima | % | = troškovi električne energije/ ukupni operativni troškovi | 11% | 10 % | 9% |
| Pokrivenost operativnih troškova | % | = ukupni godišnji operativni prihodi (KM)/ ukupni godišnji operativni troškovi (KM) | 92% | 103% | 97% |
| Udio mjesečnog računa za domaćinstvo u prosječnom prihodu | % | = iznos mjesečnog računa za vodosnabdijevanje i odvodnju za prosječnu porodicu (KM)/ukupan mjesečni prihod prosječne porodice (KM) izraženo u % | n/p | n/p | n/p |

6) Pregled vrijednosti imovine u 2022. godini:

a) popisana imovina u glavnoj knjizi stalnih sredstava (registru):

- 5.985.603 (na dan 31.12.2022.)

- 6.000.930 (na dan 31.12.2022.)

b) popisana imovina u „pomoćnoj“ knjizi stalnih sredstava: 108.203.174 KM

c) uknjižena stalna sredstva: 6.000.930 (na dan 31.12.2022.).

7) *Budžetska izdvajanja grada Bihaća za pripremu studijsko-projektne i konkursne dokumentacije za nabavku nove infrastrukture uključujući i grantove i kreditna sredstva:*

Nije bilo.

8) *Budžetska izdvajanja Grada Bihaća za izgradnju nove infrastrukture u 2022. godini:*

- Subvencioniranje rada JP „Vodovod“ d.o.o. Bihać - 300.000,00 KM

9) *Godišnja izdvajanja JP Vodovod d.o.o. Bihać za investiciono održavanje infrastrukture koja im je od strane Grada Bihaća povjerena na upravljanje i održavanje:*

- 22.783 KM.

10) *Stepen implementacije propisa višeg nivoa od strane Grada Bihaća:*

U skladu sa Zakonom o komunalnim djelatnostima USK Gradsko vijeće Bihać u prethodnim izvještajnim periodima donijelo je propisane odluke iz oblasti voda.

11) *Obučavanje i osposobljavanje zaposlenih u Gradu Bihaću i JP „Vodovod“ d.o.o. Bihać:*

Tokom godine 2022. godine održani su sastanci i radionice u cilju obuke zaposlenih u oblasti komunalnih djelatnosti, voda i zaštite okoliša, sa ciljem poboljšanja kapaciteta (znanja, vještina, sposobnosti zaposlenika kako bi bolje razumjeli svoje odgovornosti i nadležnosti u pružanju vodnih usluga, kao i one koje proizlaze iz Ugovora o pružanju javnih vodnih usluga. U tom kontekstu navodimo:

- Integrirano upravljanje komunalnom infrastrukturom „AQUASAN“ (03.03. i 04.03. 2022.)
- Radionica putem zoom MEG II – UNDP (02.02. i 18.02. 2022.)
- Radionica MEG eCitizen (16.12.2022.)
- Anketa o priuštivosti - „Enova“ Sarajevo, Zavod za vodoprivredu Sarajevo(10.10.2022.)
- MEG 2 aktivnosti - članovi MEG2 tima (10.01.,29.08., 22.11.2022.)
- sastanak na temu Tarifna metodologija - konsultant „Unaconsulting“(07.02.2022.)
- sastanak na temu Popis i identifikacija neuknjiženih stalnih sredstava prema procedurama
- za prijenos stalnih sredstava iz „pomoćne“ u glavnu knjigu -Unaconsulting (25.04.2022.)
- kontinuirani sastanci Komisije za popis i identifikaciju neuknjiženih stalnih sredstava prema procedurama za prijenos stalnih sredstava iz „pomoćne“ u glavnu knjigu.

IV ZAKLJUČAK I NAREDNI KORACI

Potpisivanjem Ugovora o pružanju vodnih usluga, Grad Bihać je ispoštovao odredbe u vezi sa subvencioniranjem socijalno ugroženih kategorija, definisanih Ugovorom i pripadajućim Programom subvencioniranja dijela troškova komunalnih vodnih usluga za socijalno ugrožene korisnike usluga.

Nadalje, Grad Bihać je u obavezi da izmjeni svoju Odluku o utvrđivanju jedinice mjere i propisivanja načina formiranja cijena komunalnih usluga u skladu sa usvojenom metodologijom za određivanje cijena komunalnih usluga, koja je sastavni dio Ugovora o pružanju vodnih usluga.

Potrebno je nastaviti aktivnosti uspostave i praćenje registra stalnih sredstava u preduzeću koke je od posebnog značaja jer pomaže kako u kratkoročnom tako i u dugoročnom planiranju. Naime, detaljan popis stalnih sredstava omogućava preduzeću da obračuna tačan iznos troškova amortizacije koji mu je potreban za redovno održavanje stalnih sredstava, odnosno imovine koja mu je povjerena na rad i održavanje od strane Gradskog vijeća.

U svrhu pune implementacije Ugovora o pružanju javnih vodnih usluga i postizanja većeg kvaliteta vodnih usluga potrebno je provesti sljedeće obaveze tokom 2023. godine:

- a) Usvojiti Odluku o davanju saglasnosti na tarifni sistem i cijene individualne komunalne potrošnje snabdijevanja pitkom vodom, odvodnje i prečišćavanja otpadnih voda u skladu sa usvojenom metodologijom za određivanje cijena komunalnih usluga, uz napomenu da postojećom tarifnom metodologijom pruže se usluga prečišćavanja otpadnih voda, ali se ista ne naplaćuje već ide na trošak Grada i JP Vodovod d.o.o. Bihać.
- b) Komisija za popis i identifikaciju neuknjiženih stalnih sredstava kojima upravlja JP „Vodovod“ d.o.o. Bihać nastaviti u kontinuitetu aktivnosti popisa stalnih sredstva koja JP „Vodovod“ d.o.o. Bihać trenutno koristi za pružanje vodnih usluga građanima Grada Bihaća, te resorna Služba pristupiti pripremi odluke o povjeravanju na upravljanje i održavanje navedenih stalnih sredstava JP "Vodovod" d.o.o. Bihać.
- c) JP "Vodovod" d.o.o. Bihać treba donijeti Pravilnik o ocjenjivanju zaposlenika preduzeća, kojim će se mjeriti radna učinkovitost radnika preduzeća.
- d) JP „Vodovod“ d.o.o. Bihać u narednom periodu treba ažurirati evidenciju vlasnika i korisnika sabirnih i septičkih jama i pražnjenja istih, a prema prethodno donesenom Programu za navedenu aktivnost (u skladu sa Odlukom o odvodnji i prečišćavanju otpadnih voda na području Općine Bihać („Sl. glasnik Općine Bihać", broj: 7/13).
- e) U narednom periodu nastaviti aktivnosti anketiranja građanki i građana o zadovoljstvu javnim i komunalnim uslugama Grada Bihaća, u skladu sa Uputstvom o mjerenju zadovoljstva korisnika usluga općinskog organa uprave Općine Bihać (“Službeni glasnik Općine Bihać”, broj: 13/08) i u skladu sa aktivnostima projekta MEG II.

Pomoćnik gradonačelnika

Vildana Zulić